

《奔跑吧！勇敢的女人們》拜神儀式

蕭正楠演繹渣男 背住吳若希出軌

蕭正楠於新劇飾演渣男角色，他笑言現實中不會發生，因為他與太太黃翠如婚姻美滿，出軌情節只會在劇中發生。有份演出的吳若希則狂讚老公顧家，實行與阿蕭鬥放閃！

蕭正楠、吳若希（Jinny）、朱敏瀚（朱仔）與賴慰玲等昨日出席新劇《奔跑吧！勇敢的女人們》拜神儀式，Jinny與阿蕭於劇中同是明星，雖然結婚15年、但女方依然是阿蕭的頭號粉絲，瘋狂迷戀對方，每次見「偶像老公」都會尖叫，阿蕭說：「本來Jinny紅過我，但佢未紅前我係同賴慰玲一齊，一個真愛，一個係愛的責任，我周旋佢哋之間。睇劇本覺得好有難



■眾星拜神切燒豬，祈求拍攝順利。

度，自己現實中婚姻美滿，演嘅時候都幾難，好違背自己，哈哈！」

阿蕭笑言劇中的渣男角色現實中一生都不會出現，只會出現在劇中。問到老婆黃翠如是否崇拜他？他笑言：「唔使講啦，佢瘋狂過佢（Jinny）。（現實中有冇遇過瘋狂粉絲？）做歌手嗰陣有，會郁手郁腳咁。」Jinny表示做了人妻後就沒遇過瘋狂粉絲，然後狂讚老公：「我老公又叻反應又快，照顧我同頭家都幾好。最近我開劇少啲時間照顧仔女功課，佢會主動幫忙。」

賴慰玲預告性感

阿蕭透露劇中有一場接近全裸的戲，會在Jinny面前僅穿底褲，他說：「好唔慣喺女仔面前着底褲。」Jinny笑言：「我睇慣！」蕭正楠無奈說：「但我唔慣俾人睇，好彩近排瘦咗，唔使俾你笑。」Jinny亦稱有一場穿喱士睡衣的戲：「可能我胸前比較偉大，大

家都想我着睡衣出場。」

劇中大部分演員都高人一等，嬌小的賴慰玲穿5吋高跟鞋現身，拉近與眾人的距離。她透露劇中的四角戀關係錯綜複雜：「我原本同阿蕭拍拖，但之後Jinny未婚有咗，兩個人就結婚，但我同阿蕭仲藕斷絲連，朱仔同Jinny抱不平，之間有好多角力，朱仔仲做經理人簽咗我同阿蕭。（你係小三？）可以咁講，但我係嚟先。」她指今次角色比以往較有女人味，激罕穿性感晚裝：「嗰衫幾靚，化妝髮型都好靚，我哋完全唔使煩。」

朱仔自爆拍這套劇有遺憾：「劇情講我揸電單車，之前我同賴慰玲、張振朗去澳洲拍旅遊節目返嚟，我哋都話要考電單車牌，點知最近考強制試齊齊『肥佬』！我衰有自信，賴慰玲衰掃杯晒雪糕筒，搞到依家拍電單車戲要用替身，但我哋嚟緊會再考，希望考到。」

■朱敏瀚與賴慰玲再次合作，默契十足。



■吳若希於劇中非常迷戀蕭正楠。

陳家樂期待派利是

陳家樂日前出席可持續時裝設計競賽2024年度「Redress設計大賽」活動，他說：「支持將舊或過時衣物回收重新設計同注入新元素，再一次散發衣物本身嘅時裝感。」提到他與太太連詩雅將迎來婚後首個農曆新年，他說：「今年我哋一齊揀屬於我哋嘅利是封，感覺我哋似一個團隊去做呢件事，亦真係以一個家庭去派利是，所以幾期待。」不過提到情人節，他竟表示沒部署：「我忙拍電影，需要減肥，佢一直陪我地獄式節食，所以拍完希望放假，情人節後去旅行食餐飽。」



■陳家樂為電影進行地獄式節食。

許廷鏗否認寓所遭盜竊

許廷鏗與鄧小巧等昨日到尖沙咀出席活動，提到早前大團一所獨立屋遭盜竊，有傳是許廷鏗寓所，他說：「嗰個唔係我，講吓我嘅新動向先啦。（事主係你鄰居？）我唔知發生咩事，亦唔關我事。」然後表示將會推出之前的演唱會藍光及雙CD碟，會加入高科技，有4D立體體驗及夜光等重本製作，故定價逾一千元，小巧說：「你叫（鄭）欣宜捧場買碟。」許廷鏗笑言：「我會先送佢一隻碟，但要佢買50隻，塞滿佢屋企，寓意新年盆滿鉢滿。」



■許廷鏗將推出演唱會藍光碟。

過年着紅色內衣 岑麗香冀旺足一年

岑麗香昨日出席富通保險活動，她笑言是讓孩子學習財富管理的時機：「囡囡每到新年都收到好多利是，可以趁機教佢哋點樣處理利是錢，例如係咪一次過將所有利是錢用嚟買玩具？定係只用部分，其他儲蓄起嚟？透過呢啲話題令佢哋從小學習理財。」談到農曆新年，她表示會跟傳統穿上新的紅

色內衣，實行旺足一年。談到兩個囡囡逐漸成長，香香自言可重投工作：「小朋友返學，我都可以返工，哈哈。（老公發咗批文畀你拍劇？）家人同意咗，我可以放膽去工作。（擔心小朋友趁冇媽媽看管而放縱？）到時再算，其實分開多咗，同小朋友都會互相掛念，更珍惜相處時間。難得抽到時間工作，我亦會更珍惜工作。」



■香香有意復出拍劇。